

LAYANG-LAYANG BESAR
Brown-backed Needletail

FAMILI: Apodidae
NAMA SAINTIFIK: *Hirundapus giganteus*

CIRI-CIRI

Burung jantan dewasa mempunyai saiz yang besar dengan bahagian atas badan berwarna kehitaman, bahagian bawah badan berwarna coklat gelap dengan terdapat waran putih berbentuk V di bahagian bawah badan dan juga bawah tongkeng. Diperhatikan, terdapat tanda-tanda putih di dagu dan tengah bahagian tekak selalunya berwarna agak pudar. *H.h.giganteus* (residen selatan Tenasserim, selatan Thailand, Semenanjung Malaysia) adalah lebih besar (24.5-26.5 sm). Bagi burung juvenil pula, tanda-tanda putih adalah agak lusuh dan bahagian bawah tongkeng lebih gelap. Anggaran saiz bagi burung dewasa adalah di antara 21 sm-24.5 sm.

MAKANAN

Ia memakan serangga seperti kelkatu dan lain-lain lagi.

HABITAT

Spesies ini boleh kawasan pembalakan dan kawasan terbuka. Spesies ini boleh dijumpai sehingga ketinggian 1,830 m dari aras laut.

BUNYI

Ia mengeluarkan bunyi yang bernada tinggi *ciirwiewt*, berulang-ulang 2 hingga 3 kali; dan kadang kala ia mengeluarkan bunyi *chiek*.

PEMBIAKAN

Musim membiak adalah dari bulan Februari hingga bulan Mac pada sepanjang tahun. Sarang adalah pada lubang-lubang di pokok dan juga sarang lama burung Belatuk. Ketinggian sarang adalah 15 m dari aras tanah. Burung betina boleh menghasilkan 3-5 biji telur pada setiap kali ianya bertelur dan telur adalah berwarna putih. Anggaran saiz telur adalah 29.6 x 22.2 mm.

STATUS

Akta 76/72, dipelihara sepenuhnya.